



# Ysgol Iolo Morganwg

## Polisi E ddiogelwch

### Cyflwyniad

Pwrpas y polisi yma yw gwneud yn siŵr bod holl staff, athrawon, llywodraethwyr a phlant yn deall a chytuno gyda dull yr ysgol o ddelio gyda e-ddiogelwch.

Mae'r polisi yn perthyn i bolisiâu eraill gan gynnwys Cwricwlwm TGCh, Defnydd o'r We, Atal Bwlio, Amddiffyn Plant ac Iechyd a Diogelwch.

### Ysgrifennu ac Adolygiad o'r Polisi

Mae gan yr ysgol gydlynnydd e-ddiogelwch penodol. Mae'r polisi wedi cael ei gytuno gan yr uwch dîm rheoli ac wedi cael ei gymeradwyo gan y llywodraethwyr. Bydd yn cael ei adolygu yn flynyddol.

Creuwyd gan: *Wendy Farleigh*

Dyddiad: 20.02.10

Dyddiad Adolygu: 20.02.11

### Dysgu ac Addysgu

#### **Pwysigrwydd y we a chyfathrebu digidol:**

Pwrpas defnydd o'r we o fewn ysgol yw i godi safonau addysgiadol, i gefnogi gwaith proffesiynol y staff ac i wella systemau rheoli gwybodaeth a gweinyddiaeth yr ysgol.

Mae'r defnydd o'r we yn hanfodol i staff a disgyblion yr ysgol. Mae'n paratoi disgyblion ar gyfer gofynion datblygiad personol a gyrfaoedd.

Mae'n ofyniad o'r Cwricwlwm Cenedlaethol (CC) ar gyfer TGCh ac yn rhan o ofynion pynciau eraill.

### **Enghau dysgu drwy ddefnydd o'r we**

Mae mynediad i'r we yn cael ei ddarparu gan Gyngor Bro Morgannwg ac wedi ei gynllunio ar gyfer y disgyblion. Mae hyn yn golygu hidlo pethau sy'n addas i gynnwys ac oedran y disgyblion.

Mae lefelau mynediad yn cael eu hadolygu i adlewyrchu gofynion cwricwlwm. Rhoddir cyfarwyddiadau pendant am ddefnydd o'r we i ddisgyblion ac meant yn arwyddo cytundeb o ddefnyddio'r we yn CA2.

Bydd y staff yn dewis safleoedd gwe addas, gan gymryd i ystyriaeth oedran ac aeddfedrwydd y disgyblion, ar gyfer cefnogi canlyniadau dysgu.

Mae'r disgyblion yn cael eu dysgu i gymryd cyfrifoldeb dros eu defnydd nhw o'r we.

### **Dysgir disgyblion sut i werthuso cynnwys gwybodaeth ar y we.**

Dysgir disgyblion i wirio gwybodaeth y caent ar y we cyn ei dderbyn yn fanwl gywir.

Dysgir y disgyblion i gydnabod y ffynhonnell o wybodaeth wrth ddefnyddio gwybodaeth o'r we ar gyfer defnydd eu hunain.

Dysgir y disgyblion i fod yn ymwybodol y gall awdur e-bost neu daflen we beidio bod â y person maen nhw yn hawlio i fod.

Anogir y disgyblion i ddweud wrth athro/wes yn syth os ydynt yn dod ar draws unrhyw ddefnydd sydd yn gwneud iddynt deimlo'n anghyffyrddus.

### **Rheoli Defnydd o'r We**

#### **Gwybodaeth am System Ddiogelwch**

- System ddiogelwch yr ysgol yn cael ei adolygu yn aml.

- Amddiffyniad firws yn cael ei ddiweddarau yn aml gan y Sir.
- Strategaethau diogelwch yn cael eu trafod gyda'r Awdurdod Lleol.

### **E-Bost**

Caniateir y disgyblion i ddefnyddio cyfrifon e-bost yr ysgol yn unig. Dylai'r disgyblion hysbysu'r athro/wes yn syth os yw'n derbyn e-bost sarhaus.

Dysgir y disgyblion i beidio â datgelu gwybodaeth bersonol am eu hunain, eraill na threfnu i gwrdd ag unrhyw un heb ganiatâd penodol. Dysgir y disgyblion i beidio ag agor unrhyw e-bost neu atodyn amheus. Ni chaniateir blaenyrru llythyr cadwyn.

### **Cynnwys Cyhoeddedig a Safle We yr Ysgol**

Mae safle we'r ysgol yn cydymffurfio gyda chanllawiau yr ysgol am gyhoeddiadau. Dysgir y disgyblion i ystyried eu cynulleidfa a phwrpas y gwaith y byddent yn ei gyhoeddi ar safle we yr ysgol. Disgwylir y gwaith i fod o safon uchel. Dylid bod y gwaith yn waith yr awdur yn unig neu fod caniatâd wedi ei dderbyn ar gyfer ailddefnyddio gwaith eraill ac wedi ei nodi'n glir gydag enw perchennog yr hawlfraint. Gwybodaeth cysylltu â gweinyddwyr yr ysgol yn unig sydd ar y safle we.

### **Cyhoeddi gwaith a delw disgyblion**

Ni ddylai lluniau adnabod disgyblion unigol. Bydd lluniau grŵp neu luniau wedi eu tynnu 'dros yr ysgwydd' yn cael eu defnyddio gan fwyaf yn hytrach na lluniau mewn steil 'pasbort'.

Dim ond ar ôl derbyn caniatâd rhieni yn ysgrifenedig y bydd llun o'r disgybl yn cael ei roi ar y safle we.

Yr athrawon sydd yn gyfrifol am wneud yn siŵr bod y disgyblion sydd yn y lluniau maent yn eu mewn llwytho i'r safle we yr ysgol gyda

chaniatâd i fod ar safle we yr ysgol. Bydd rhestr wedi ei greu gan y cydlynnydd TGCh a'i adolygu yn aml.

Ni fydd lluniau o'r disgyblion yn cael eu cynnwys gydag enw'r disgybl.

Ni ddylai unrhyw waith gan y disgyblion sydd yn defnyddio llun gael enw'r disgybl.

### **Manteisio ar y we yn Gymdeithasol a Chyhoeddiadau Personol**

Nid ydym yn defnyddio unrhyw 'ystafelloedd trafod' ar hyn o bryd.

Bydd unrhyw raglenni newydd yn cael eu profi yn drylwyr cyn bod y disgyblion yn cael mynediad.

### **Rheoli Hidlo**

Mae'r ysgol yn cydweithio gyda rhieni, AALI, Y Cynulliad Cenedlaethol i Gymru, Athrawon a Darparydd Gwasanaeth y We i wneud yn siwr bod y systemau ar gyfer amddiffyn disgyblion yn cael ei adolygu a'i wella.

Os yw disgyblion neu staff yn darganfod safleoedd gwe anaddas mae angen nodi yr 'URL' (cyfeiriad y safle we) a'r cynnwys a'i adrodd i'r Darparydd Gwasanaeth y We drwy y Cydlynnydd TGCh.

### **Rheoli Cynhadledd Fidio a Defnydd o Gamera Gwe**

Mae Cynadleddau Fidio yn defnyddio rhaglen wedi ei gymeradwyo, a disgwylir i'r disgyblion ddilyn Polisi Ymddygiad yr ysgol.

Mae cynadleddau fidio yn cael eu cynnal mewn gwersi o dan oruchwyliaeth athrawon.

### **Rheoli Technolegau Newydd**

Nid yw ffonau symudol i gael eu defnyddio yn yr ysgol gan ddisgyblion.

Os oes angen dod a un i'r ysgol mae angen iddo gael ei roi i'r ysgrifenyddes/ pennaeth i'w gadw yn saff peth cyntaf yn y bore. Mae gan yr athrawon hawl i

dynnu ffon oddi ar un disgybl. Nid yw camerâu mewn ffonau symudol i gael eu defnyddio gan staff na disgyblion.

Dim ond camerâu ysgol sydd i gael eu defnyddio gan staff a disgyblion ar gyfer pwrpasau addysgiadol.

Os yw ymwelwyr eisiau tynnu lluniau mae'n rhaid iddynt ofyn caniatâd.

### **Amddiffyn Data Personol**

Bydd data personol yn cael eu cofnodi, prosesu, trosglwyddo a'u gwneud ar gael fel gofynion y Ddeddf Amddiffyn Data 1998.

Ni ddylai staff gadw gwybodaeth gyfrinachol ar gludydd cof os nad yw wedi ei amddiffyn yn dderbyniol.

### **Penderfyniadau Polisiâu**

#### **Caniatáu Defnydd o'r We**

Mae angen i bob aelod o staff ddarllen ac arwyddo 'Cod Ymddygiad Staff gyda TGCh' cyn defnyddio unrhyw ffynhonnell TGCh.

Mae'r ysgol yn cadw record o bob staff a disgyblion sydd gyda mynediad i systemau TGCh yr ysgol.

Disgwylir i rieni i arwyddo ffurflen ganiatâd i'w plentyn gael defnyddio'r we (Polisi Defnydd o'r We)

Gofynnir i unrhyw berson nad yw'n cael eu cyflogi gan yr ysgol i ddarllen ac arwyddo taflen 'Defnydd Cymeradwy o Adnoddau TGCh' cyn cael caniatâd i gael mynediad i'r we o'r ysgol.

### **Asesu Risg**

Mae'r ysgol yn cymryd camau rhesymol i atal mynediad i ddefnydd anaddas. Fodd bynnag, oherwydd natur a graddfa ryngwladol y we nid yw'n bosibl i warantu na fydd defnyddiau anaddas byth yn ymddangos ar gyfrifiadur sydd wedi ei gysylltu i systemau'r ysgol. Nid yw'r ysgol na Chyngor Bro Morgannwg yn derbyn cyfrifoldeb am

unrhyw ddefnydd sy'n cael eu hagor neu ganlyniadau o fynedfa i'r we. Mae polisi E-Ddiogelwch yr ysgol a'i ddefnydd yn cael ei fonitro a'i adolygu yn rheolaidd.

### **Delio gyda chwynion E-Ddiogelwch**

Dylai unrhyw gwynion am gamddefnydd o'r we gael eu cyfeirio at y pennaeth. Dylai unrhyw gwynion am gamddefnydd gan staff gael eu cyfeirio at y pennaeth.

Dylai unrhyw gwynion yn ymwneud ag amddiffyniad plant gael eu trin yn unol â pholisi Amddiffyn Plant yr ysgol.

Mae'r disgyblion a'r rhieni yn gallu derbyn gwybodaeth am drefn cwyno. Y disgyblion a'r rhieni wedi cael eu hysbysu am ganlyniadau o dorri rheolau 'Defnydd o'r We' (Polisi Defnydd o'r We).

### **Defnydd y Gymuned o'r We**

Mae'r ysgol yn cysylltu gyda chymdeithasau lleol i sefydlu agwedd debyg tuag at e-ddiogelwch.

### **Polisi Cyfathrebu**

#### **Cyflwyno Polisi E-Ddiogelwch i'r disgyblion**

Mae posteri e-ddiogelwch wedi cael eu harddangos wrth ymyl pob cyfrifiadur a gall pob defnyddiwr eu gweld.

Mae'r disgyblion yn cael eu hysbysu bod y rhwydwaith a'r we yn cael eu monitro a'u dilyn.

Mae'r disgyblion yn derbyn gwersi E-Ddiogelwch ac yn cael eu hatgoffa yn gyson o ddiogelwch ar y we.

### **Staff a'r Polisi e-ddiogelwch**

Mae'r staff yn cael eu hyfforddi yn rheolaidd ac wedi derbyn copi o'r Polisi e-ddiogelwch.

Mae'r staff yn cael eu hysbysu bod gwaith rhwydwaith ac ar y we yn gallu cael

ei olrhain i ddefnyddiwr unigol.

Bydd y staff yn defnyddio injan chwilio sydd yn arbennig ar gyfer plant wrth ddefnyddio'r we gyda'r disgyblion.

### **Cael cefnogaeth rhieni a gwarchodwyr**

Nodir bob polisi e-ddiogelwch ar gael i rieni a gwarchodwyr ar gael ym Mhrosbectws yr Ysgol ac ar safle we'r ysgol.

Mae cysylltiadau ar gael ar safle we'r ysgol i adnoddau e-ddiogelwch.

Mae'r ysgol yn gofyn i rieni newydd arwyddo cytundeb i rieni am ddefnydd y we gan eu plentyn (fel y nodir cynt).